



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad  
Annum 1752 - Cum Supplemento ad Ann. 1742. 1745. 1746. & 1748

**Luxemburgi, 1754**

XXXIII. Super Institutione, Gubernio, & administratione Mensæ  
nummulariæ Sancti Spiritus in Saxia de Urbe; Confirmantur Litteræ Pauli  
V., aliaque opportune statutuntur. 10. Aug.

---

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

sive compensationis, aut retentionis, quantumvis diuturna, magnique momenti servitia eidem præstiterint, & quamvis ille nihil vivens in eorum utilitatem egisset, vel etiam agendo, nihil forte pro ipsis obtinisset. Præterea nullam iidem competere volumus actionem pro quadragenarum dierum, ut ajunt, stipendio, sive pro atris vestibus, aut pro consequenda portione cujusque summæ inter alios Familiars mercede conductos, ut supra, dividenda; sed præter honorem, quem ex Defuncti Familiaritate consequuti sunt, aliasque utilitates, si quas illius gratia & auctoritate jam percepserunt, nil aliud ipsis sperandum relinquimus, quam quod vel Defunctus ipse, grati animi ergo, eidem nominatim testamento legaverit; vel Patroni hæredes, sine præjudicio aliorum Familiarium, qui consueti salarii conditione illi ministrarunt, ac sine diminutione earum rerum, quas his præservatas fore decrevimus, eidem Honorariis spontè largiri voluerint.

§. 7. Videant itaque quicumque Magnatum prædictorum favorem, gratuitam operam ipsis exhibendo, accipiuntur, qua lege & conditione deinceps in eorundem Honorariorum Familiarium numerum cooptabuntur, suasque rationes subducant, perpenſa præsentis Constitutionis dispositione; quam quidem ab ipsis publicationis die vim legis habere statuimus; sed nullo modo extendi volumus ad casus antea definitos sive in favorem Familiarium Honorariorum hujusmodi, sive adversus eos, circa quos præcedentia judicata omnino attendi & servari debere decernimus.

§. 8. Ceterum Nos prædictis Venerabilibus Fratribus Nostriſ S. R. E. Cardinalibus, aliisque præmissis, hujusmodi consilium proponimus, tamquam æquum & ad eorum utilitatem, & quietem, Nostro, aliorumque in rebus agendis expertorum Virorum judicio, satis efficacem, eadem prorsus ratione, quâ Justinianus Imperator Defunctorum hæredibus suavit, ut Inventarium bonorum hæreditariorum conficerent, ne sua ipsorum propria bona creditoribus Defuncti, vel Legatariis, aut ulterioribus vocatis obnoxia relinquerent; eodemque pacto, quo Episcopis ad Ecclesiarum regimen proficiscentibus utile consilium datur, ut per Inventarii similis confessionem, res suas, quas Domo secum deferunt, ab aliis discernant, quas deinceps acquiruntur sunt, quasque, tamquam ex Ecclesie redditibus, & proventibus comparatas, sub lege Spolii post eorum mortem casuras non ignorant. Quod si ex præmissis aliqui novum hoc Rotuli Familiarium silema amplecti nolerint, non sanè Nobis in animo est illos ad id compellere; verum eos admonitos volumus, quod non servata per eos præsentis Constitutionis lege, eorum hæredes ejusdem præsentis Constitutionis beneficio minime juvantur, sed omnibus litium incommodis, & controversiarum ambiguitatibus expositi remanebunt, quas per præsentem de medio tollere, ac remove Nobis propositum fuit; non secus ac hæredes illi, qui Inventarium ritè conficere negligunt, actionum confusioni subiecti remanent, ac priorum quoque bonorum diminutionem pati periclitantur; sique Episcopi, qui omittunt descriptionem facere earum rerum, quas secum ad Ecclesias afferunt, has ipsas deinde Spoliorum Collectoribus cum aliis in unum redigendas plerumque relinquunt.

§. 9. Denique has ipsas præsentem Litteras perpetuæ legis vim obtinere decernimus; ac secundum eas, & non aliter, in præmissis, per quoscumque Judices Ordinarios, & Delegatos, etiam Causarum Palatii Apostolici Auditores in posterum judicari & definiti debere; irritum quoque & inane si secus super his a quoquam

quavis auctoritate scienter, vel ignoranter contigerit attentari.

§. 10. Non obstantibus præmissis Pauli III. & Pii V. aliisque Apostolicis Constitutionibus & Ordinationibus, nec non dictæ Almæ Urbis Statutis, Usibus, & Consuetudinibus etiam immemorabilibus, aliisque contrariis quibuscumque.

§. 11. Nulli ergo omnino hominum liceat hanc paginam nostræ ordinationis, definitionis, confirmationis, innovationis, statuti, decreti, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud Sanctam Mariam Majori Anno Incarnationis Dominicæ millesimo septingentesimo quinquagesimo, Idibus Julii, Pontificatus Nostri Anno Decimo.

D. Card. Passioneus.

J. Datarus.

VISA DE CURIA

J. C. Boschi.

J. B. Eugenius.

Loco \* Plumbi.

Registrata in Secretaria Brevium.

Publicata die 7. Augusti ejusdem Anni.

Super Institutione, Gubernio, & administratione Menſæ Nummulariæ Sancti Spiritus in Saxia de Urbe; Confirmantur Litteræ Pauli V., aliaque opportunè statuuntur.

BENEDICTUS EPISCOPUS,

Servus Servorum Dei. Ad perpetuam rei memoriam.

COMMUNIS Aerarii loca, ad publicum Civium commodum, Supremi Principis auctoritate ac providentiâ instituta, nimis interest summa circumspectione ac fide administrari; quum, sicut ex eorum tuto ordinatoque regimine Subditorum securitas maximè pendet, ita ipsorum locorum stabilitas, & indemnitas in recta eorundem administratione consistat. Idcirco, licet usque a primæva hujusmodi locorum institutione, opportunè illorum Administratoribus leges ac regulæ præscribi soleant; æquum est tamen, ut is, cui vigilis Patrisfamilias partes pro Subditorum felicitate impositæ sunt, ad hujusmodi regimen & administrationem suæ quoque dirigat considerationis intuitum; prædictisque legibus & regulis accuratè perpenſis, novoque semper confirmationis munimine roboratis, ea adjiciat, quæ pro illarum executione magis magisque asserenda, vel etiam ad conditionem rerum, & temporum accommodanda, cum prudentium & expertorum Virorum consilio, expedire judicaverit.

§. 1. Cum itaque aliàs sanctæ memoriæ Prædecessor Noster Paulus Papa V., ad hoc ut Pupilli, Viduæ, Pia Loca, & Curiales quicumque non minus tutò, quam sine sumptu proprias pecunias publica fide alicubi servandas deponere, illasque pro eorum opportunitatibus ad libitum repetere & recuperare possent, in Archi Hospitali Sancti Spiritus in Saxia nuncupato de Urbe, Ordinis Canonicorum Regularium ejusdem Sancti Spiritus, sub Regula

Contrariis derogatur.

Sanctio.

Dat. Pont. Anno X. die 15. Julii 1750.

XXXIII.

Præcæmium.

Vigil cura Pontificis in Subditorum felicitate procuranda.

Paulus V. Menſam Nummulariam S. Spiritus in Urbe instituit.

Præsentium Litterarum Lex futuros casus respicit, nec afficit præteritos.

Ejusdem Legis favor volentibus tantum proponitur; non secus ac beneficium Inventarii Hæredibus, Episcopis &c.

Aliter in posterum judicari prohibetur.

Et pro Deponitium securitate Bona Archi-Hospitalis S. Spiritus obligavit.

Tenor Litterarum Pauli V.

Causa erectionis Banchi.

Hospitale S. Spiritus diversa pia opera exercet.

Conceditur facultas aperiendi publicum Banchum.

Sancti Augustini militantium, publicum Banchum Depositorum erexit, & instituit; ac pro pecunias in eodem deponitium securitate, omnia & singula bona dicti Archi-Hospitalis perpetuo obligata & hypothecata fore voluerit; hoc tamen, pro aliqua hujusmodi oneris, aliorumque eidem Archi-Hospitali incumbendum compensatione, concedens, ut licitum esset ipsius Archi-Hospitali Praeceptorum pro tempore existenti, & aliis illius Ministris, quibus hujusmodi Banchi administrationem injunxit, pecunias in eo deponendas, seu earum partem, in emptionem Locorum Montium non vacabilem (quae sanè, quoties pecunia hujusmodi restituenda forent, quantocius vendi, sicque deposita summa, quibus debentur, restitui possent) convertere, & fructus ex eis interim provenientes percipere, ac in dicti Archi-Hospitalis usus & utilitatem impendere; complures praeterea leges & ordinationes pro faciliiori & utiliori ejusdem Banchi regimine providè excogitavit, ac suis Literis in forma Brevis expeditis constituit & sanxit, quarum Litterarum tenor est, qui sequitur, videlicet:

PAULUS PAPA V.

Ad perpetuam rei memoriam.

**A** Pontificatus nostri primordio, clamores, quos a multis annis citra in hac Alma Urbe nostra a Viduis, Pupillis, Locis Piis, & Curialibus, qui eorum pecunias ob decoctionem Mercatorum, & publicorum Casporum amiserunt, vel eas cum maxima jactura, & non sine ingentibus expensis, mediante discussione bonorum, recuperare nituntur, intelleximus, ita mentis nostrae dolores excitavit, ut cum haec notabile damnum rei privatae, ac publica attulerint & afferant, eis ali-quod remedium dare cogitaverimus, & proinde in Archi-Hospitali nostro Sancti Spiritus in Saxia de eadem Urbe, quod bona stabilia magni valoris possidet, & in quo diversa pia opera in educandis infantibus expositis, ac curandis infirmis ibi recursum habentibus, ac aliis quampluribus exercentur, in eo etiam hoc pium opus exerceri posset, publicum Banchum Depositorum pro commoditate ibidem sponte pecunias suas deponitium, ad hoc, ut mediante obligatione bonorum dicti Archi-Hospitalis pro dictis Depositis, indemnitati deponitium tute provideatur, erigere, & instituere duximus, dictoque negotio etiam diu pro indemnitate dicti Archi-Hospitalis cum dilecto filio Octavio Tassono illius moderno Praeceptore, ac aliis probis & expertis viris examinato, ipsi in eam, ut ex praemissis magna dicto Archi-Hospitali resultaret utilitas, descendunt sententiam, si eidem Octavio Praeceptorum partem dictarum pecuniarum, ut praefertur, deponendarum in emptionem Locorum Montium non vacabilem, qua semper, & illico pro commoditate suas pecunias repetendi in eventum illarum repetitionis, pecunia numerata deficiente, in promptu essent, & vendi possent, convertendi facultatem concederemus & auctoritatem. Nos igitur in supremo Militantis Ecclesiae solio Divina dispositione constituti, ad ea, per quae publica, & privata utilitati, dictaque Urbis Curialium, & aliarum personarum indemnitati valeat salubriter provideri, libenter intendentes: Motu proprio, non ad alicujus Nobis super hoc oblata petitionis instantiam, sed ex certa nostra scientia, ac de Apostolica potestatis plenitudine, in dicto Archi-Hospitali, & loco inibi, vel alibi, prout melius videbitur ad publicam commoditatem deputando, unum Banchum perpetuum Depositorum nuncupandum per Casperium, & alios illius Ministros, qui Ordinem Sancti Spiritus sub Regula Sancti Augustini, cujus dictum Archi-Hospitale

existit, professi fuerint, regendum, & gubernandum, in quo omnes, & singula pecuniarum summae, etiam cujusvis quantitatis existentes, ab eas deponere volentibus, gratis, & absque alia pecuniarum, etiam minima partis, a dictis personis pro hujusmodi depositis exactione deponantur, & tute conserventur, sine aliquo praedictio Montis Pietatis de Urbe, perpetuo erigimus, & institui-mus. Illoque sic erecto, & instituto, ut illud, aliquo servato ordine, rectè & feliciter ad quorumcumque satisfactionem administraretur, quod de caetero perpetuo futuris temporibus in dicto Archi-Hospitali una capsula in Camera praedicti Octavii, & pro tempore existentis dicti Archi-Hospitalis Praeceptoris conservanda, in qua pecunie praedicti Banchi reponantur, conficiatur, eaque tribus differentibus clavibus, quarum unam dictus Praeceptor, aliamque praedicti Archi-Hospitalis Domus Magister, & reliquam claves hujusmodi dicti Banchi Thesaurarius, seu Casperius pro tempore existentes habeant, observetur; ac Praeceptor, necnon Magister Domus, ac Thesaurarius, seu Casperius praedicti, dictam capsulam conjunctim, & non separatim ac de per se, aut unus absque alio, aperire, nec alter alteri clavem suam confidere, aut accommodare; minusve pecunias in dicto Banchi pro tempore existentes, aut etiam minimam illarum partem seu quantitatem, ad alios quantumvis necessarios, & utiles usus, quam in emptionem Locorum Montium non vacabilem hujusmodi convertere, aut super eis etiam pro urgentissimis ipsius Archi-Hospitalis necessitatibus, sub pena illorum nullitatis, aliquos contractus inire, aut consicere possint, nec debeant, ac perinde dicta pecunia a pecuniis ex redditibus dicti Archi-Hospitalis provenientes, ne in alios, quam praedictos usus convertantur, aut invicem confundantur, separantur, & in dicta capsula, ad hoc, ut prompta pecunia occurrentes eas dietim repetentium necessitatibus habeantur, quaedam, eaque convenientes pecuniarum quantitas semper, & continuo conservetur: & ob id his mille scuta circiter in manibus dicti Thesaurarii, seu Casperii pro quotidianis minoribus solutionibus faciendis dumtaxat relinquantur, itaut dum aliqua major solutio facienda erit, id ad praedicti Praeceptoris, & Magistri Domus notitiam deveniat, semelque saltem in hebdomada, & saepius, prout dicto Praeceptorum videbitur, per Praeceptorem, ac Magistrum Domus praedictos computa Depositorum tunc factorum, ad hoc, ut à praedicto Thesaurario, seu Casperio pecunia, si plures quam opus fuerit, habuerit, auferantur, & in capsula, ut supra, reponantur, aut ipsi alia pecunie, prout temporis exegerit necessitas, tribuantur, revideantur. Dictaque Praeceptor quolibet anno Nos, & Romanum Pontificem pro tempore existentem, de emolumentis praemissorum occasione factis certiorare, & notificare teneatur; dictaque capsula computa singulis saltem tribus mensibus, vel aliis, prout etiam expediens videbitur dicto Praeceptorum pro tempore existenti, ab universa dicti Archi-Hospitalis Congregatione qualibet hebdomada coram dicto Praeceptore cum interventu non solum principalium illius Officialium, verum etiam Procuratoris, ac Advocati, & Notarii fieri solita, revideantur. Quodque ipsius Banchi Casperius pro tempore existens, ac Praeceptor, & Magister Domus, seu alii Ministri, Cambia, Recambia, Incertas, Dittas, Cedulas, & nullum aliud genus negotiationis exercere, seu admittere possint, sed praedictus Thesaurarius, seu Casperius dicti Banchi merus Depositarius esse, nec de dictis pecuniis disponere, aut illas in alios usus, quam Locorum Montium emptionem & usus hujusmodi, convertere debeat: & libris, in quibus praedicta deposita describentur, eadem prorsus fides in iudicio, & extra iudicium adhibeatur: Quodque partem ex dictis libris extracta, & à Prae-

In quo deponitium nascitur.

Deposita in Capis tribus clavibus observantur.

Deposita in Capis tribus clavibus observantur.

Deposita separatim revidentur a rebus dicti Hospitalis.

Computa semel saltem in hebdomada revideantur.

Et quotannis Papa de statu Banchi certioratur.

Nullum genus negotiationis ibidem exercetur.

1750.

Partita e libris extracta fidem in iudicio obtineant

Bona omnia Archi-Hospitalis pro Banchi securitate obligata sint.

Pecunia in Banco deposita sequestrari nequeant.

Pena contra Praeceptorem, & Ministros contrafactentes.

Facultates Praeceptoris, & Ministrorum in emptione Locorum Montium.

Et condendi Statuta.

ceptore, ac Magistro Domus, nec non Thesaurario, seu Caspario praedictis, vel duobus ex ipsis subscripta, in iudicio, & extra fidem faciant, perinde, ac si parte citata, & cum decreto Iudicis extractae fuissent, dictisque Thesaurarius, seu Casparius, & quicumque alii dicti Banchi Ministri, ad omnem dictorum deponendum, vel interesse habentium requisitionem, partitas ex dictis libris depositorum huiusmodi ad effectum exhibendi in iudicio, & extra illud, pro creditorum suorum consequutione, vel alia opportuna probatione tradere, & extrahere: ac pro huiusmodi pecunias deponentium securitate quocumque dicti Archi-Hospitalis immobilia, mobilia, ac semovientia bona in ampliori Camera, & quacumque alia iuris valida forma obligata, & hypothecata sint, & intelligantur; illaque sic obligata, & hypothecata existant, dictisque dictique deponentes ad illa promptam & paratam executionem, ac si Instrumenta publica obligatione Camerali vallata essent, habere, & in eventum non restitutionis pecuniarum ab eis pro tempore depositarum, dictorum bonorum realem, corporalem, & actualem possessionem, seu quasi, absque vitio spoli, & attentatorum, ac alicujus Iudicis, seu Curiae decreto, vel mandato, pro concurrenti pecuniarum eis tunc restituendarum quantitate, apprehendere, & apprehensam continuare, & retinere, illaque quibusvis personis sub quibuscumque potestis, & conditionibus, & pretio sibi benevolens, locare, & arrendare, ac illorum fructus & emolumenta percipere, exigere, levare, dictaque bona vendere, & alienare, ac de eis liberè disponere possint, & valeant. Quodque pecunia in dicto Banco pro tempore deponende, quandiu in eo fuerint, a quoquam cuiusvis crediti occasione sequestrari non possint, & quocumque sequestro non obstant, praedictus Casparius ad omnem etiam simplicem illorum, qui eas deposuerint, requisitionem, eis, etiam absque aliqua pena, & periculo iterata solutionis, solvere, & restituere possit, & valeat, iidem perpetuò statuimus, & ordinamus. Et pro praemissorum inviolabili observatione dicti Archi-Hospitalis Praeceptoris, ac Magistro Domus, nec non ipsius Banchi Thesaurario, seu Caspario, aliisque illius Ministris, & personis, ac quibuscumque aliis, ad quos nunc spectat, & pro tempore quomodolibet spectabit, quosque dictum negotium tangit, aut tangere poterit quomodolibet in futurum, ne, ultra alias penas a jure communi institutas, sub privationis quorumcumque beneficiorum & officiorum per eos pro tempore obtentorum, ac inhabilitatis ad alia in posterum obtinenda, ac etiam perpetua infamia, nec non excommunicationis majoris latae sententiae, a qua non nisi a Nobis, vel Romano Pontifice pro tempore existente, ac in mortis articulo, absolutio- nis beneficium consequi possint, ipso facto incurrenda pena, praemissis in totum, vel parte contradicere, aut ab eis, seu illorum aliquo quovis prae-textu, causa, vel occasione recedere audeant, seu praesumant, sed ea, ac eorum singula inviolabiliter, & inconcusse observare, & adimplere, ac ab aliis, quantum in se erit, observari, & adimpleri mandent, & faciant, iidem perpetuò praecipimus, & mandamus. Dictique Archi-Hospitalis Praeceptoris, & aliis illius Ministris praedictis, quod praedictas pecunias pro tempore, ut praefertur, deponendas, seu earum partem, in emptionem tot Locorum Montium non vacabilium, ad hoc, ut illarum restitutionis tempore adveniente, dicta loca quocumque vendi, dictaque pecuniae, quibus debentur, restitui possint, convertere, & fructus ipsos interim ex eis provenientes percipere, exigere, & levare, ac in dicti Archi-Hospitalis usum, & utilitatem convertere, quodque pro felici, & salubri dicti Banchi, ac illius personarum, & rerum suarum regi-

mine, & directione, quacumque statuta, & ordinationes, capitula, & decreta, licita tamen, & honesta, ac Sacris Canonibus, & Concilii Tridentini decretis non contraria condere, & quoties sibi opportunum videbitur, condita mutare, alterare, & declarare, ac pro eorum arbitrio edicta publicare, imprimi, & affigi facere, ac subscribere, aliaque in praemissis, & circa ea necessaria, seu quomodolibet opportuna facere, dicere, gerere, & exequi possint, & valeant, similiter perpetuò concedimus, & indulgemus. Decernentes praesentes, & desuper faciendas literas, de subreptionis, vel obreptionis, seu nullitatis vitio, aut intentionis nostrae, vel quopiam alio defectu notari, vel impugnari, aut aliis quomodolibet infringi, vel retractari, seu invalidari, aut ad viam, & terminos juris reduci, seu in jus, vel controversiam vocari, aut adversus eas quodcumque juris, & facti, vel iustitiae, aut gratiae remedium intentari, impetrari, vel concedi nullatenus unquam posse, sed illas semper, & perpetuò validas, & efficaces fore, & esse, ac ab omnibus, ad quos spectat, & in futurum quomodolibet spectabit, inviolabiliter observari debere, sicque ab omnibus, & singulis censeari, & ita per quoscumque Iudices ordinarios & delegatos, etiam Causarum Palatii Apostolici Auditores, ac Sanctae Romanae Ecclesiae Cardinales, sublatà eis, & eorum cultibus, quavis aliter iudicandi, & interpretandi facultate, & auctoritate, iudicari, & desiniri debere, ac irritum, & inane quicquid secus super praemissis a quoquam quavis auctoritate scienter, vel ignoranter contigerit attentari. Non obstantibus praemissis, nec non felicis recordationis Pauli Secundi, & aliorum Romanorum Pontificum Praedecessorum nostrorum de rebus Ecclesiae non alienandis, quatenus opus sit, aliisque Constitutionibus, & Ordinationibus Apostolicis, nec non etiam dictorum Archi-Hospitalis, & Ordinis, etiam iuramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis eidem Archi-Hospitali, & Ordini, ejusque Praeceptoris, ac Superioribus & personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis, in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro expressis, ac de verbo ad verbum insertis habentes, illis aliis in suo robore permansuris, hac vice dumtaxat specialiter, & expresse derogamus, ceterisque contrariis quibuscumque. Volumus autem, ut praesentium transumptis, etiam impressis, manu alicujus Notarii publici subscriptis, & sigillo alicujus persona in dignitate Ecclesiastica constituta munitis eadem prorsus fides adhibeatur, quae ipsis praesentibus adhibetur, si forent exhibita, vel ostensa. Datum Romae apud Sanctum Petrum sub Annulo Piscatoris die xiiij. Decembris 1606. Pontificatus Nostri Anno Primo.

§. 2. Quoniam vero deinceps eidem Paulo Praedecessori expositum fuit, quod in praefato Archi-Hospitali tot Fratres professi dicti Ordinis Sancti Spiritus, qui habiles essent ad exercendum totum negotium huiusmodi Banchi, minime aderant; quodque praeterea, ob prohibitionem in praesentibus Literis appositam, ne negotiatio per Cedula ab eisdem Banchi Ministris & Administratoribus ullo modo exerceri & admitti posset, a nonnullis dubitatum fuerat, an deposita per Cedula & Literas accipere, & reddere, aut pecunias in aliam personam seu Banchum, alia ratione, quam per actualem numerationem transferre liceret; hinc idem Praedecessor per alias Literas in simili forma Brevis sub datum diei xi. Junii anni

Clausula.

Derogatio contrariis.

Dat. Pontif. Pauli V. an. I. die 13. Decembris 1606.

Idem Paulus V. per alias Literas postea permisit, ut singularium opera dictus Banchus ad ministrari, & deposita per Cedula transferri possent.

MDCVII. tunc & pro tempore existenti dicti Archi-Hospitalis Præceptoris, ut ipse, tunc, & perpetuis futuris temporibus, Ministrorum Sæcularium operâ in eisdem Banchi ministerio ad ejus arbitrium & nutum uti liberè posset & valeret, licentiam concessit, & facultatem; Capseris verò, aliisque Ministris ejusdem Banchi, pecunias Campforibus, & aliis, juxta opportunitatem & commoditatem, per Litteras & Cedulas solvere & transferre, seu girare, ut alii publici Campfores facere solent, licitum fore, absque tamen ulla negociatione, sed ad effectum solum, & occasione Deposita inibi facta accipiendi vel reddendi, aut Montium loca, prout in præsertis suis Litteris permittitur, emendi, declaravit, & quatenus opus esset, opportunam etiam ad hoc eis licentiam, & facultatem impertitus fuit.

Innocentius XI. similibus Litteris statuit, ut Banchi debitores obligatione Camerali obligati essent.

§. 3. Præterea quum sanctæ mem. Innocentio Papa XI. etiam Prædecessori Nostro, pro parte tunc existentium ipsius Banchi seu Mensæ Nummulariæ Ministrorum, fuisset expositum, quod, quum bona omnia dicti Archi-Hospitalis, in illorum, qui inibi pecunias deponunt, favorem, ita, ut præfertur, ex præmissarum Pauli Prædecessoris Litterarum dispositione, efficaciter obligata essent, perinde ac si cum unoquoque eorum Cameralis obligatio intercessisset; è converso illi, qui Bancho præfato debitores supererant, non aequali vinculo erga eundem Banchem obstrigi censebantur: Ipse Innocentius Prædecessor per suas etiam Litteras in simili forma Brevis sub die decima Maji Anni Millesimi sexcentissimi octogesima tertii, statuit & ordinavit, omnes & singulos præfati Banchi ex quacumque causa debitores, tunc præfentes, & futuros, cujuscumque status, gradus, ordinis, conditionis, præminentia, & dignitatis, ac etiam si Ecclesiæ, Monasteria, Conventus, Collegia, Hospitalia, Archi-Hospitalia, Confraternitates, Archi-Confraternitates, & alia Loca Pia quacumque, etiam specificâ, & individuâ mentione, & expressione digna existerent, ad satisfaciendum eidem Bancho de eorum debitis respectivè efficaciter obligari, ac obligatos & obligata existere & fore, in omnibus, & per omnia, perinde ac si ab eorum singulis Cameralis obligatio ad favorem ipsius Banchi facta fuisset; prout in secundodictis Pauli, ac præfatis Innocentii Prædecessorum prædictorum Litteris plenius respectivè continetur.

Pontifex dictas Litteras solemniter confirmat.

§. 4. Nos verò, qui præmissarum Legum & Ordinationum a Prædecessoribus Nostri providè editarum perpetuum implementum, ac ejusdem Mensæ in publicam commoditatem institutæ indemnitate, & profectum summopere exoptamus; Motu proprio, & ex certa scientia, deque Apostolica potestatis plenitudine, tam præsertas Pauli, quam supramemoratas ejusdem Pauli, & Innocentii Prædecessorum præfatorum respectivè Litteras, omniaque & singula in eis contenta & expressa, tenore præsentium Apostolica auctoritate confirmamus, approbamus, & innovamus, illisque novum inviolabilis Apostolicæ firmitatis robur, vim, & efficaciam adjicimus, ac omnes & singulos tam Juris, quam facti & solemnitate defectus, siqui desuper quomodolibet intervenerint in eisdem, supplemus; expressè declarantes, quod, quemadmodum ipsis, & signanter præsertis Litteris, nunquam generaliter derogatum fuisse dignoscitur, nec etiam earum ignorantia (quum earundem exemplar semper ad hunc diem in digniori parte Aula ejusdem Mensæ palam & publico aspectui expositum fuerit), ab ullo unquam allegari potuit; ita eadem præserta Litteræ semper hæcenus in suo robore & efficacia, nec non in viridi

Declarans dictas Litteras semper in observantia fuisse.

observantia persisterunt; exceptis tantum, ut accepimus, casibus, in quibus de præterito permissum fuit, per dictam Mensam necessitatibus & indigentibus Archi-Hospitalis præfati opem, & adjumentum præstari. Qua de re, si quæ actiones & jura Mensæ & Archi-Hospitali præfatis, ob præsertarum aliarumque prædictarum Litterarum inobservantiam aliquo forsan in casu nulliter & de facto sequuntur, seu admittantur, juxta ipsarum Litterarum formam & tenorem, contra alias Personas & Loca quacumque, eorumque res & bona, competunt ac competere possunt, illis per confirmationem & innovationem hujusmodi nullo modo officere aut præjudicare intendimus, immò firmas & firma, ac in pleno robore & efficacia perseverare decernimus & statuimus.

Et idem præfatis Banchi ex eis provenientia.

Et pro præmissorum executioni observantia præscriptas addit ordinationes.

§. 5. Omnia quoque & singula in præsertis, & memoratis respectivè Literis contenta & expressa, ac per dictos Prædecessores Nostros volita, sancita, & ordinata perpetuis futuris temporibus inviolabiliter, juxta tamen posteriores mox subjungendas ordinationes Nostras, observari volumus & jubemus, Nos enim, pro firmiori præmissorum subsistentia & executione, nonnulla adhuc addenda, ac præsentium Litterarum sanctione stabilienda censuimus; nimirum,

Primo, quod omnes penæ infligende locum habeant, & inter penas ea est, ut Ministri Banchi teneantur de proprio ad illius indemnitate.

§. 6. Primo, cum in præsertis Literis caveatur expressè, quod Deposita integrè ad Deponentium commodum aservari debeant, liceatque dumtaxat eorum partem in emptorem tot Locorum Montium non vacabitium convertere, ad hoc ut, illorum restitutione occurrente, dicta Loca quantociùs vendi, ac pecunia ex ipsis redacta, quibus debentur, restitui possint; fructus verò interim ex iisdem provenientes, in Archi-Hospitalis beneficium impendi debeant; expressâ quoque in eisdem Literis lege, & prohibitione impositâ, ne ipsius Mensæ, seu Banchi Ministri ex Depositorum pecuniis ullum aliud prorsus negociationis genus exercere, vel admittere, nec de dictis pecuniis in alios usus disponere queant; Nos ordinationem & prohibitionem hujusmodi innovantes, motu, scientia, & auctoritate similibus statuimus, atque decernimus, ut quatenus aliquid contra præmissas ordinationem & prohibitionem ullo unquam tempore admitti contingat, omnes & singulæ penæ in præsertis Litteris comminatæ adversus contravenientes locum omnino habeant, & plenariæ executioni demandentur; atque etiam præsentium tenore expressè declaramus, inter penas hujusmodi per generalitatem verborum inibi comminatæ, hæc quoque de jure comprehendendi, & comprehensam censerè debere, ut in eventum hujusmodi, tam pro tempore existens dicti Archi-Hospitalis Præceptor Generalis, seu Commendatarius, quam dictæ Mensæ Capserius, Ratiocinator, aliique Ministri, ad quos spectat, & spectare potuit, seu poterit in futurum, ratione contraventionis hujusmodi, teneantur etiam de proprio ad restitutionem & reintegrationem quantitatum pecuniarum contra ordinationem & prohibitionem hujusmodi impensarum; ac præterea decernentes, quod quatenus præmissis, ex Nostra, vel Successorum Nostrorum Romanorum Pontificum dispensatione (quem sanè casum nullo unquam tempore evenire votis omnibus exoptamus), ad hoc ut pecunia in dicta Mensâ deposita in alios, quam in præfatos usus erogentur, derogari contingat; in Chirographis, seu Schedulis manu tunc existentis Romani Pontificis signandis, seu in Litteris Apostolicis desuper expediendis, specialis, expressa, & individua præsentis Constitutionis mentio fieri

Quod si aliter contigerit, quum in præfatis statutis expressè hujusmodi Contitutio fieri debeat.

debeat;

debeat; nec ipsi per clausulas generales, idem etiam per æquipollens importantes, aut per Decreta derogatoria, irritantia, universalia, & amplissima, validè derogatum sit & censetur; sed post dictam mentionem, specialis etiam, expressa, & individua in Chirographis, seu Schedulis, aut Litteris Apostolicis hujusmodi, fieri debeat præsentium derogatio; sine quâ eadem Chirographa, Schedulæ, & Litteræ Apostolicæ, ad effectum præmissorum, nullius sint roboris, vel momenti, nec executionem habere possint.

§. 7. Secundò, cum juxta easdem præinsertas Litteras dicti Archi-Hospitalis Præceptor quolibet Anno Romano Pontificem pro tempore existentem de emolumentis ex hujusmodi Locorum Montium emptione factis certiorare & notificare teneatur; Nos hujusmodi præceptum & ordinationem declarantes, & ampliantes, præsentium tenore, expressè volumus & mandamus, ut vertente Mense Januarii cuiuslibet Anni, sicuti postremis elapsis Annis gestum fuit, generalis fiat collatio, seu comparatio computorum dictæ Mensæ, vulgò *Bilancio* nuncupata, in qua integer illius status œconomicus, summa nimirum pecuniarum depositarum, investimenta Locorum Montium prædictorum, credita & debita cujusvis speciei, necnon quantitates fructuum Locorum Montium decursum, & eorum usus ac applicatio in supra expressas causas, fideliter referantur; quodque dicta comparatio seu collatio legatur, examinetur, & revideatur a Congregatione pro tempore existentium ejusdem Archi-Hospitalis Præceptoris, seu Commendatarii, & Magistri Domus, ac dictæ Mensæ Capserii, & Ratiocinatoris. Hujus autem relationis status œconomici, duo tantum exemplaria conficiantur, quæ cum in eadem Congregatione a Capserio, & Ratiocinatore præfatis subscripta fuerint, eorum unum in ipsius Mensæ Archivo asservari debebit, alterum verò a Præceptore seu Commendatario præfato Nobis & Successoribus Nostri Romano Pontificibus exhibendum erit; illudque postea, cum annotatione, quod jam Romano Pontifici præsentatum fuit, in Archivo Domus Archi-Hospitalis præfati, ad hoc ut ad placitum ejusdem Pontificis ei denudò repræsentari valeat, custodiendum erit. Utriusque autem Archivi præfati Archivisti & Custodibus præsentium tenore distictè injungimus, ut dicta exemplaria secreta teneant, nec illa alicui communicent, nisi in necessitatis casu a pro tempore existente Præceptore, seu Commendatario præfato approbando, sub pœnis ab eodem Præceptore, seu Commendatario ejus arbitrio imponendis.

§. 8. Tertio, etsi in præinsertis Litteris disponatur, pecunias in dicta Mensa depositas in Capsa tribus Clavibus clausa reponi, & penes Capserium, pro solutionibus quotidie occurrentibus, summam bis mille circiter scutorum relinquere debere; quia tamen experientia compertum est, ob depositorum & exactionum confluentiam, majorem apud ipsum requiri pecuniæ summam; ideo, ut in ejusdem Mensæ Capserii manibus, & penes ipsum major pecuniæ numerate summa relinquatur, arbitrio & prudentiâ ejusdem Præceptoris seu Commendatarii pro tempore existentis remittimus.

§. 9. Quarto, declaramus, è fructibus Locorum Montium præfatorum in dicti Archi-Hospitalis commodum convertendis, ante conversionem hujusmodi, detrahi debere, quemadmodum in usu est, omnia emolumenta Ministrorum, aliasque expensas pro ipsius Mensæ mentione occurrentes.

§. 10. Quintò, cum in præinsertis Litteris præcipiatur, duas super computis Mensæ præfate Congregationes identidem haberi, unam videlicet singulis Hebdomadis ad inspicendum Depositum statum, alteram verò singulis Trimestribus, ut plenius ipsius Mensæ status, atque conditio perpendatur, & priori quidem ipsum Præceptorem, nec non Magistrum Domus Archi-Hospitalis præfati, unâ cum Capserio Mensæ seu Banchi hujusmodi, interesse, alteri verò non solum principales Archi-Hospitalis præfati Officiales, sed etiam ejusdem Procuratorem, Advocatum, & Notarium accedere: Nos, ut provida hæc dispositio facilius, & feliciter executioni demandetur, volumus, & mandamus, primam ex Congregationibus præfatis ad Præceptoris seu Commendatarii prædicti arbitrium cogi debere, dummodo nunquam unius Mensis spatium decurrat, absque eo quod hujusmodi Congregatio habeatur. Tam verò in ista, quàm in altera Congregationibus hujusmodi, interveniant semper præfati Præceptor seu Commendatarius, & Magister Domus Sancti Spiritus, nec non Banchi Capserii, & Ratiocinator; reliqui verò superius nominati, Procurator, Advocatus, atque Notarius, quoties negotiorum, & casuum natura id exegerit, arbitrio Præceptoris prædicti, interesse jubeantur.

§. 11. Sextò, quum in iisdem præinsertis Litteris indultum fuerit præfati Archi-Hospitalis Præceptori, aliisque illius Ministris pro tempore existentibus, ut pro prædicti Banchi, ejusque Personarum, & rerum regimine, & directione, quæcumque statuta, ordinationes, capitula, & decreta, licita tamen, & honesta, ac Sacris Canonibus, & Concilii Tridentini Decretis non contraria, condere, & condita mutare, alterare, & declarare, prout ipsis opportunum videbitur, possint, & valeant; Nos facultatem hujusmodi præfatis Præceptori, ac Ministris eatenus confirmamus, ac iterum præsentium Litterarum serie concedimus, & indulgemus, dummodo nova decreta, ordinationes, & quæcumque alia resolutiones hujusmodi, iisdem præinsertis, & supramemoratis Prædecessorum Nostrorum Litteris, ac præfati Constitutioni Nostre non contradicant, nec repugnent, illasve modificent; declarantes, sub nomine Ministrorum prædictorum intelligi debere præfatos Capserium, Ratiocinatore, Domusque Magistrum, de quorum in Congregatione collectorum consilio opportuna capi debent resolutiones, cum interventu etiam Custodis Archivi Banchi præfati, qui in Libro ad id designato, resolutiones ipsas adnotare valeat, ac respectivè teneatur.

§. 12. Ac decernentes, easdem præfatas, & præinsertas Pauli, ac ejusdem Pauli, & Innocentii Prædecessorum præfatorum supramemoratas Litteras, ac omnia, & singula in eis respectivè contenta, etiam ex eo, quod quicumque quavis auctoritate, dignitate, ac etiam Cardinalatus honore fulgentes, & in præmissis interesse habentes, seu habere prætendentes, præmissis non consenserint, nec ad ea vocati, & auditi, aut Causa, propter quas ipsa præfatas, aliasque superius præinsertæ & memoratæ Litteræ respectivè emanarint, satis adductæ, justificatæ, aut approbatæ non fuerint, nunquam de subreptionis, vel obreptionis, aut nullitatis vitio, seu intentionis Nostre, aut quopiam alio defectu notari, impugari, aut in jus, vel controversiam revocari possit; sed eas semper, & perpetuò validas, firmas, & efficaces existere, & fore, suosque plenarios, & integros effectus sortiri, & obtinere.

§. 13. Sicque & non aliter per quoscumque

Quintò, quod mensis non elaboratur, quin ordinaria Congregatio habita fuerit, alia verò Congregatio singulis trimestribus cogi debeat.

Sextò, quod facultas condendi Statuta de iis intelligatur, quæ præfati Constit. non sint contraria.

Qui veniant sub nomine Ministrorum.

Clausula.

Aliter judicari prohibetur.

Secundò, quod singulis Annis generalis fiat computorum collatio, quæ in Congregatione particulari revidetur, & postea Romano Pontifici præsentetur.

Exemplaria dictarum collationum secreta servantur.

Tertio, quod in Capserii manibus arbitrio Præceptoris major bis mille scutorum pecuniæ summa relinquere possit.

Quarto, e fructibus Locorum Montium detrahi debeant emolumenta & expensæ Banchi.

farum Palatii Apostolici Auditores, ac S. R. E. Cardinales, sublata eis & eorum cuilibet quavis aliter iudicandi & interpretandi facultate & auctoritate, iudicari & definiti debere, ac quidquid contra presentium formam & dispositionem in praemissis a quoquam quavis auctoritate scienter, vel ignoranter contigerit attentari, seu mandatum fuerit, irritum, nullum, & invalidum, ac nullius roboris, vel momenti ex nunc prout ex tunc, & e contra, fore & esse, dicta auctoritate etiam decernimus.

Derogatio  
contrariis.

§. 14. Non obstantibus, quatenus opus sit, Nostram, & Cancellariam Apostolicam Regulam de jure quaesito non tollendo, aliisque Constitutionibus & Ordinationibus Apostolicis, omnibusque iis, quae Paulus, & Innocentius Praedecessores praefati in praesertis, & suprascriptis eorum Litteris voluerunt non obtinere, Privilegiis quoque, Indultis, & Litteris Apostolicis in contrarium praemissorum quomodolibet concessis, confirmatis, & innovatis, quibus omnibus & singulis, illorum tenores pro plenè & sufficienter ac de verbo ad verbum insertis habentes, illis aliis in suo robore permanentibus, ad praemissorum effectum, hac vice dumtaxat specialiter & expressè harum serie derogamus, ceterisque contrariis quibuscumque.

Exemplar  
hujus Constitut. in Aula  
Banchi, & in Archivo  
expositum  
retineatur.  
Et illius  
Transumptis  
fides habeatur.

§. 15. Volumus autem, & dicta auctoritate praecipimus, ut earundem presentium Exemplar Typis impressum in Aula dictae Mensae, necnon in Aula dictae Mensae, necnon in Archivo praedicto publicè appensum, & expositum retineri debeat; quodque ipsarum presentium Transumptis, etiam, ut praefertur, impressis, manu pro tempore existentis dictae Domus Archivaria subscriptis, & ejusdem Archi-Hospitalis Sigillo munitis, eadem prorsus fides in iudicio, & extra illud adhibeatur, quae ipsis presentibus adhiberetur, si forent originaliter exhibitae, vel ostensa.

Sanctio peccata.

§. 16. Nulli ergo omnino hominum liceat, paginam hanc Nostrae Confirmationis, approbationis, innovationis, roboris, adjectionis, statuti, declarationis, ampliationis, mandati, remissionis, decreti, derogationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius, se noverit incursum.

Dat. Pont.  
An. X. die  
10. Augusti  
1750.

Datum Romae apud Sanctam Mariam Majorem Anno Incarnationis Dominicae millesimo septingentesimo quinquagesimo, quinto Idus Augusti, Pontificatus Nostri Anno Decimo.

D. Card. Passioneus.

J. Datarjus.

VISA DE CURIA

J. C. Boschi.

J. B. Eugenius.

Loco ✕ Plumbi.

Registrata in Secretaria Brevium.

Canonicis Regularibus Praemonstratensibus conceditur ex integro Privilegium assequendi, & retinendi quascumque Parochiales, & Vicarias, tam Saculares, quam Regulares absque Dispensatione Apostolica.

BENEDICTUS EPISCOPUS,

Servus Servorum Dei. Ad perpetuam rei memoriam.

ONEROSO Sacri Apostolatus Ministerio meritis licet imparibus Divina sic disponente Clementia Praesidentes, pia Regularium virorum vota solliciti pii Patris affectione prosequimur, ac Privilegia eis aliis a Romanis Pontificibus praedecessoribus nostris concessa, denudè ex integro liberali indulgentia concedimus, ut in humilitatis spiritu in Regularibus locis Altissimo famulantes, sublatis quibuscumque dubiis, & dissono litium clamore, laudabilibus possint in Domino proficere incrementis.

§. 1. Sanè pro parte Dilecti Filii Nicolai Meyers moderni Procuratoris Generalis Canonicorum Regularium Praemonstratensis Ordinis, Laudunen., & aliarum Civitatum, vel Diocesis, Nobis nuper exhibita petitio continebat, quod Ordo praedictus, illiusque pro tempore existentes Canonici Regulares, inter quamplurima Privilegia a diversis Romanis Pontificibus, & signanter a fel. rec. Urbano Papa IV., & Clemente Papa V. Praedecessoribus Nostri Ordini, & Canonicis Regularibus praedictis Apostolica auctoritate concessa, & subinde eadem Apostolica auctoritate confirmata, illo quidem in Litteris Apostolicis ab eisdem Urbano, & Clemente Praedecessoribus respectivè emanatis contento gaudent Privilegio, nimirum, quod Canonici Regulares ejusdem Ordinis pro tempore existentes Parochiales Ecclesias, etiam Saculares, ac Clericos, seu Presbyteris Saecularibus conferri, & assignari solitas, absque ulla dispensatione Apostolica consequi, & consequatas retinere liberè, & licitè possint, & valeant.

§. 2. Cum autem, sicut eadem petitio subijungebat, ob collationem Parochialis Ecclesiae de Limbrich Leodien. Diocesis, & respectivè provisionem de illa certo tunc expresso modo vacante Dilecto etiam Filio Melchiorri Werdener Presbytero, ac Canonico Regulari dicti Ordinis expressè professio non diu à Nobis eadem Apostolica auctoritate factas, Curia Episcopalis Leodien., & pro illius parte Dilectus pariter Filius Promotor Fiscalis ejusdem Curiae Episcopalis, collationi & provisioni hujusmodi in Dataria Apostolica, eo sub praetextu, quod Canonici Regulares dicti Ordinis ad Parochiales Ecclesias obtinendas, prout juxta Constitutionem a Nobis novissimè editam incipientem: *Quod inscrutabili*, Canonici Regulares Ordinis Sancti Augustini Canonicorum Regularium Congregationis Lateranen. ad Parochiales Ecclesias hujusmodi habendas incapaces sunt, etiam existerent incapaces, tunc se opposuerit, illasque impugnaverit, controversiam hujusmodi in eadem Dataria Apostolica, pro validitate collationis & provisionis in vim praedicti Privilegii in eisdem Urbani, & Clementis Praedecessorum praedictorum Litteris contenti, licet absque dispensatione Apostolica factarum, sustinenda, opus fuit agitare.

§. 3. Idcirco Nicolaus praedictus ad tollenda quaecumque dubia, & objectiones, quae

Exordium.

Preces Pontifici oblat.

Controversia judicialis, quam Ordo Praemonstratensium persequitur.

Petitionis summa.

in